

1 Timothy

Saint Paul Tr'ookit Timothy ts'a' Ch'adaqantl'oo

1 ¹Jii t'ee Paul vats'an, nats'a' dehtly'aa dihtl'oo, Vit'eegwijyahchy'aa neediinahshii aajits'a' chan Christ Jesus vit'injiraahchy'aa nilii aji gwats'a' shagah'ee eenjit yihi'e' ihlii.

²Timothy, gwik'injigwiighit hi'didlii gwizhit shidinji' inlii, Diiti' Vit'eegwijyahchy'aa chan ts'a' Diik'eegwaadhat Jesus Christ haa vich'eegoonzhrii, neeshraahchy'aa yiindhan akwat tsinehdan haa nats'an ohtsyaa.

Li'didlii Kwaa Haa Geech'qaqhtan Najj Ts'i' Idik'oontii

³Ephesus kwaiik'it gwachoo oiindi' noihnyaa, Macedonia nahkat gwats'a' ihshyaa daj' jyaa naiinya'. Zhat dinjii lat najj hi'didlii kwaa haa geech'agqaqhtan aji jyaa digiheenyaa kwaa goovahtsii.

⁴Zhyaa gwandak ginilih kwaa chan ts'a' yeenii juu nihzhyaneedijii najj oozhri' aji kwaii akhagohnyaa goovaiinyaa.

Aji kwaii geh'an t'ee nihlit'injigaa'ee. Vit'eegwijyahchy'aa vik'injigwiighit zhit tr'iheedaa diineenjit gwiltsaji aji gwik'it t'igii'in kwaa ts'a' izhit aji geenjit geech'agwaaqhtan goovahtsii.

⁵Jii deekhwa'in nakhwaihnyaa t'ee hi'didlii haa nakhwadrii zhit gwats'an akwat nakhwayinji' zhit aajits'a' nakhwagwik'injigwiighit kwaii ts'an ch'eet'igwiniindhan tr'ahaatth'aa aji kwaii gwik'it dinjii gooli' nihthan. ⁶Dinjii lat najj jii kwaii gwinehts'i' dinjii ginlii ts'a' zhyaa k'ii'an gwintl'oo geegiginkhii. ⁷Vit'eegwijyahchy'aa va-law eenjit geech'qaqhtan oih'i' giindhan gaa zhit deeginyaa

ąjį idigiitth'ak kwaa ts'a' jidii eenjit geech'agoąąhtan t'iginyaą gaagiindaii kwaa.

⁸ Zhit Moses va-law łyaa nizįį gaagwiindaii, nats'ąą vit'eegwaahchy'aa goo'aii gwik'it vit'eegwaahchy'aa ąąj'. ⁹ Gaa jii law dinjii nizįį nąjį zhrįh eenjit t'inchy'aa kwaa ąjį łyaa gineegwaandaii ji' gweheezyaa, jii juu law-łahnnaii: juu dinjii iizųų nąjį, Vit'eegwiyąhchy'aa nehts'i' nilii nąjį, vigwitr'it gwiizųų nąjį, gwik'iinjiiighit kwaa nąjį, juu dahan, diti' haa diłkhwąjį nąjį, juu dinjii ęhdaa tr'agwa'ak nąjį, ¹⁰ goo'at akwat gookai' nilii kwaa haa gaahchįį nąjį, dinjii gook'it t'iiyinchy'aa haa dhichįį nąjį, dinjii gan'įį ts'a' zhyaa khagildii nąjį, dinjii oots'it nąjį, ch'arohkat zeh gwizhit oots'it haa ch'eeginkhii nąjį, yee'at k'ii'an tr'agwah'in nąjį, jii nąjį datthak chan eenjit law nilii t'inchy'aa. ¹¹ Jii geech'ọąąhtan t'ee Dęhtły'aa Choh zhit gwadanakhwat'oo ąjį eech'ooahałchyaa eenjit shats'an goodlit, ąjįt'ee Vit'eegwiyąhchy'aa viyinjiihil'ee ts'a' ch'eegwąhndit nilii ts'an Gwandak Nizįį t'inchy'aa.

Vit'eegwiyąhchy'aa Neeshraahchy'aa Niindhan Geenjit Mahsį' Tr'oonyą'

¹² Christ Jesus Diik'eegwaadhat veenjit mahsį' nihthan, jii shigwitr'it eenjit t'aih shats'an iłtsąjį. Gwitee tr'ashaąhchįį ts'a' veegwitr'it t'agwahał'yaa eenjit shoonjik eenjit mahsį' yiihthan. ¹³ Yeenii gwįhdaii gwizhit Vit'eegwiyąhchy'aa gwiizųų veegiihkhe' ts'a' gwik'injiighit nąjį ninjitsałthat googaa reh. Gaa Vit'eegwiyąhchy'aa sheenjit neeshraahchy'aa yiindhan ąjįt'ee gwik'iinjigwiighit shi'įį kwaa ts'a' deeshi'in gaashandaii kwaa geh'an. ¹⁴ ąjįts'a' K'eegwaadhat dich'eegoonzhrįį shak'aa t'inlik ts'a' gwik'injigwiighit ts'a' ch'eet'igwiiniindhan haa shantł'eiin'ąjį, ąjį t'ee nijin Christ Jesus vaakhaiłak tr'iinlii ąąj' diits'an nilii t'inchy'aa.

¹⁵ Jii hi'haa deegwidlii t'oonchy'aa, Vit'eegwiyąhchy'aa vant'eedahanchyaa ts'a' gwik'iinjigwiighit hini'yaa eenjit. Christ Jesus jii nankat dinjii vigwitr'it iizųų nąjį neehahshii eenjit gwats'ą' haazhii. Shįį t'ee ch'andaa gootee shigwitr'it gwiizųų gwanlii. ¹⁶ Gaa jii geh'an Vit'eegwiyąhchy'aa shich'einzhrįi, jyahts'ą' gwik'iighai' deegwaht'oo Christ Jesus shįį, ch'andaa tr'agwaanduu gwanlii haa khalchį' kwaa haa shits'inyaą gwagwahahchy'aa geenjit. ąjįts'a' gęhdaa gwandaa ji' juu yik'injiindhat nąjį ts'a'

gwagwahahchy'aa ts'a' gwandaii ndaanaa'aa' ts'a' kwaa gihee'yaa eenjit. 17 Jii nahkat datthak gwik'eegwaadhat, vagwaahkiij kwaa ts'a' khit gwandaii hee'yaa, adan zhrih Vit'eegwijyahchy'aa nilii ts'a' viiyeenji' tr'ahoh'e' ts'a' ch'eegwahndit khit ts'a' khit geenjit vats'an ooli'! Amen!!

18 Shigii Timothy, jii geech'qaaqtan shats'an gwiriitsajii nant'l'eegwihih'aa. Niighit daj' yeenii Vit'eegwijyahchy'aa Eenjit Ginkhii najii neenjit giiyeeginkhe', aji googinjik kheeghan an'iji ts'a' gwinzii vaa nich'itsahthat, 19 aji ts'a' nigwik'iinjigwiighit chan ts'a' gwinzii khit niinch'ich'iindhat aji gwanta'. Dinjii lat najii jyaa dinchy'aa kwaa ts'a' gwiizuu gwitr'it t'agwah'in gaagiindaii gaa nihk'it t'igii'in. 20 Gootee Hymenaeus chan ts'a' Alexander haa, Satan ant'l'eegawałchii, Vit'eegwijyahchy'aa gwiizuu eegiginkhii aji geenjit googwahahshii ts'a' akhagagoohenjyaa eenjit.

Nats'aa Khadigireheejyaa Goo'aii

2 1 Tr'ookit, dinjii datthak eenjit gwent'oo khadagohjii ts'a' gooveenjit chan neeshraahchy'aa gooroohenjyaa eenjit Vit'eegwijyahchy'aa jyaa davaiinya'aa ts'a' gooveenjit deehee'yaa datthak eenjit mahsi' vaiinya'. 2 Dinjii kih nilii akwat King nilii najii datthak chan, gwinzii tsinehdan ts'a', deegwiintsai' kwaa gwizhit gwireheendaii eenjit, nyahts'a' Vit'eegwijyahchy'aa vizhit gwireheendaii eenjit. 3 Jii t'ee lyaa gwinzii ts'a' Vit'eegwijyahchy'aa neediinahshii nilii aji diineenjit shoo nilii t'oonchy'aa, 4 juu najii datthak neeheezihi ts'a' hi'deegwidlii gaagoondaii niindhan. 5 Lyaa Vit'eegwijyahchy'aa ch'ihlak zhrih gwanlii, ch'ihlak zhrih dinjii chan ts'a' Vit'eegwijyahchy'aa haa nihlaa nahchik, aji t'ee Christ Jesus, 6 aji t'ee dinjii datthak neeheezihi eenjit gwent'ee adaachii. Izhit daj' jii t'ee gwizhrih nigwiin'aji, Vit'eegwijyahchy'aa jii nankat gwidinjii datthak neeheezihi geenjit. 7 Aji ts'a' jii kwaii geenjit t'ee shirih'e' ts'a' Israel nilii kwaa najii eenjit geech'qaaqtan ihlii, gwik'iinjigwiighit, hi'didlii haa eenjit geech'qaaqtan. Oihst'it t'iihnyaa kwaa, hi'haa hi'deegwidlii haa gwaldak t'iihnyaa.

8 Nijin datthak dinjii khadagoojyaa nihthan, juu khit Vit'eegwijyahchy'aa eenjit gwitr'it t'agwah'in najii ts'a', juu daganli', haa ndak nagaahdak ts'a' gook'iji gwanlii kwaa ts'a' nihzheedagaan'ee kwaa haa Vit'eegwijyahchy'aa haa niilzhii najii.

⁹Tr'injaa naꝓi chan gwach'aa gwinzii nagoozhi' gavoihnyaa, gookiighai' nidiiltsi' heelyaa kwaa ts'a' gookat chan gold akwat pearl haa hee kwaa ik daat'oo chan gookat hee kwaa ji' nihthan. ¹⁰Gaa googwitr'it gweheezyaa, aꝓit'ee Tr'injaa gwik'iinjiighit gwitr'it nilii. ¹¹Tr'injaa naꝓi deegogwahtsai' kwaa ts'a' ch'agoohaahky'aa, aꝓits'a' khadak t'igiheechy'aa kwaa. ¹²Tr'injaa naꝓi geech'agoahtan gitr'iih'ee ts'a' dinjii k'eegogwahahtat kwaa, deegogwahaatsai' kwaa goo'aii. ¹³Izhit gwik'it Adam tr'lookit tr'iłtsaꝓi aꝓit'ee Eve. ¹⁴Adam tr'lookit vigwitr'it gwiizꝓꝓ gwiinli' kwaa. Gaa aꝓi tr'injaa tr'lookit vigwitr'it gwiizꝓꝓ goodlit ts'a' Vit'eegwiyahchy'aa va-law łełnaii. ¹⁵Gaa tr'injaa vigwik'injigwiighit, vich'eet'igwiniindhan, vashroodiinyaa ts'a' khainjihil'ee kwaa kwaii datthak khit goont'a' ji', aꝓi tr'iinin di'iꝓ geh'an neehezhi.

Tr'igiinkhii Zheh Gwizhit Ndak Khii Dilk'ii Naꝓi

3 ¹Jii it'ee łyaa t'igwinyaa, dinjii tr'igiinkhii zheh gwizhit ndak khii oihi' nihthan łyaa gwik'it t'ihē'lyaa ji' gweheezyaa. ²⁻³Tr'igiinkhii zheh gwizhit dinjii ndak khii nilii aꝓi zhyaa gwiizꝓꝓ vigwitr'it gooli' shro', va'at ch'ihłak zhrꝓh gweheelyaa, ch'ihēenjyaa chan kwaa, khan vik'iigwahaadhak chan kwaa ts'a' dee'in deenyaa haa gwinzii gwik'eehahtyaa, dizheh gwizhit aakin haandaii kwaa ji' nihk'it nihdeehahchik, geech'ooahahchyaa gadhan, ch'anahooni' chan heelyaa kwaa khan vik'iigweheelyaa kwaa, gaa veeshrigweheechy'aa ts'a' tsinehdan heelyaa, laraa hił'ee heelyaa kwaa. ⁴Da'at, digii naꝓi haa gwinzii k'eehahtyaa goo'aii, ts'a' vigii naꝓi giyahah'aa gwizhit giik'eegwahahtat goovahah'yaa. ⁵Da'at, digii naꝓi gwinzii k'ahtii kwaa ji', nats'aꝓ Vit'eegwiyahchy'aa vitr'igiinkhii zheh gwik'eehahtyaa? ⁶Niighit kwaa daꝓi gwats'an dinjii gwik'injiighit dhidlit ji' tr'igiinkhii zheh gwizhit ndak khii nilii heelyaa kwaa chan goo'aii. Jyaa dizhik ji' duulee tr'ihkhit ideenjit ninjich'ihēdhat heelyaa ts'a' an heelyaa, aꝓi Ch'anky'aa Tr'aanduu deezhik gwik'it. ⁷Tr'igiinkhii zheh eh'ok dinjii naꝓi gaa giyeenjit hah'aa goo'aii, jyaanchy'aa ji' voozhri' iizꝓꝓ heelyaa kwaa ts'a' Ch'anky'aa Tr'aanduu vigwitr'it zhit heekhaa kwaa eenjit.

Tr'igiinkhii Zheh Gwizhit Tr'agwah'in Naꝓi

⁸Dinjii nizꝓi gwinzii niinjich'adhat ts'a' łyaa gwik'it t'iindhan ji' gwizhrꝓh tr'igiinkhii zheh gwizhit geetr'agwahah'yaa goo'aii.

Duuyeh chan gwint'oo jak chų' giinjį goo'aii, ideenjit gwizhrįh chan ninjich'igiheedhat kwaa goo'aii. ^{9,10} Vigwik'injigwiighit h'idiidlii gwizhrįh dha'aii ıyaa dagwandaii datthak haa hqontą' goo'aii, tr'igiinkhii zheh gwizhit geetr'agogwah'in gagadhan ji' eenjit googahaąh'yaa ts'a' gagadhan ji' tr'igiinkhii zheh gwizhit gwitr'it t'agogwahah'yaa eenjit gwinzii.

¹¹ Goo'at naįį chan tr'injaa nizįį giinlii, gwinzii niinjich'agadhat giheelyaa ts'a' ıyaa gwik'it t'igiindhan t'igiin'in ji' gwizhrįh gookai' tr'igiinkhii zheh gwizhit gwitr'it t'agwahaah'yaa. Duuyeh chan ch'eegiginkhii goo'aii. Duuyeh chan ch'igiinjį goo'aii ts'a' jidii datthak eenjit h'idiidlii giheelyaa. ¹² Va'at ch'ihłak zhrįh chan hee'yaa goo'aii, da'at, digii naįį haa gwinzii k'eehaąhtyaa chan goo'aii. ¹³ Juu gwinzii vigwitr'it gwanlii naįį gwinzii nagadhat idigeenjit gaayigahaahsyaa ts'a' Christ Jesus eenjit gwik'injigwiighit gi'įį, aįį t'ee haa nigiheedhat.

Gwit'eh Goo'aii Gwihil'ee Gwachoh

¹⁴ Jii dehtly'aa nats'a' altsii gwiizhit ıyaa neenoihshi' ts'a' khan nool'ya' nihthan. ¹⁵ Gaa gwik'it goodlit kwaa ji' jii dehtly'aa zhit nats'aą gwik'it Vit'eegwijyahchy'aa vizhehk'aa gwizhit dinjii tr'ihheelyaa goo'aii geenaagwahaldak, aįit'ee Vit'eegwijyahchy'aa khit gwandaii vitr'igiinkhii zheh t'oonchy'aa, aįį vik'iighai' t'ee gwinzii k'iidak goo'aii ts'a' h'idiidlii ootą'. ¹⁶ Gwik'iinjirighit gwizhit deegwaht'oo gwihil'ee goo'aii, aįį geenjit gwit'eh goo'aii izhit geenjit duuyeh h'deegwidlii kwaa gwinyąą.

Dinjii nilii ts'a' gwizhrįh niinzhii

Ch'ankey'aa Shroodiinyąą chan h'haa h'idiidlii yahnyąą,
zheekat gwich'in naįį chan yaąh'ya'.

Jii nankat an-nihłik dinjii gwich'įį naįį
datthak ts'a' veenjit geech'arqąąhchya'.

Jii nahkat datthak giik'iinjiindhat,
aįit'ęę zheekat gwits'eehoozhii.

Oots'it Haa, Geech'qaahtan Naįį

4 ¹ Khaiinkoq drin zhit ji', dinjii lat naįį gwik'iinjigiighit aįit'ęę akhagagoohenjyaa gwinyąą aįit'ee Ch'ankey'aa Shroodiinyąą gwinzii gwizhrįh nigwiin'aįį ts'a' geeginkhe'. Ch'ankey'aa oots'it aįį zhit neegeheedaa ts'a' ch'ankey'aa iizuų aįį k'iinjigiheedhaa.

2 Gwik'iinjiighit adaa'iij ts'a' oots'it naaj ts'an tr'idigweheedhaa, aajts'a' gooyinji' ichij, ch'iitsii niindhaa haa dhik'in gwik'it. 3 Aaj k'it t'inchy'aa dinjii veegwarahchij chan ts'a' shih lat tr'ihee'aa gwiizuu ginyaq. Gaa Vit'eegwijyahchy'aa shih tr'ihee'aa eenjit yiltsaj, yak'aa khadigeedi' ts'a' yeenjit mahsi' diinya', aaj juu gwik'iinjigwiighit di'ij ts'a' hi'didlii haandaii naaj yihee'aa eenjit. 4 Jidii Vit'eegwijyahchy'aa yiltsaj datthak nizij, ch'ihlak gaa duuyeh itr'igwii'ee, gaa datthak geenjit mahsi' gweheenjyaa ts'a' khadigireheejyaa. 5 Vit'eegwijyahchy'aa viginjik chan ts'a' khadigiriinjii haa nihaa shroodiinyaq ilik.

Christ Jesus Vitsyaa Nizij

6 Nachaa naaj jii deeni'in naihnyaq datthak gwik'it t'ini'in ji' lyaan Christ Jesus vitsyaa nizij hinlyaa, gwik'iinjigwiighit ginjik eenjit adagwan'ee ts'a' Gwandak Nizij chan khit ts'a' gwinzii eech'ooqahtan gwanta' gwik'it. 7 Gaa Vit'eegwijyahchy'aa vinehst'i' gwandak ginilih kwaa kwaii ts'i' adak'oqntii. Vit'eegwijyahchy'aa vik'it gwihiindaii aaj khit gwik'it t'inchy'aa. 8 Gwitrit haa nat'aii gwahtsii aaj gwinzii gaa Vit'eegwijyahchy'aa doo'ya' diinoonyaq aaj gwik'it t'igwii'in aajit'ee lyaan khit ts'a' gwinzii, aajit'ee juk gwarandaii akwat yeendaa gwireheendaii gwizhit deeshi'yaa nyaq gwik'it t'iizhik. 9 Jii jyaa digwinyaq t'ee lyaan hi'deegwidlii vik'injireheedaa goo'aii ts'a' vit'injigwarahaahchy'aa. 10 Aaj geh'an t'ee gwitrit gogwantrii datthak geenjit gwint'aii gwitrit t'agwarah'in. Vit'eegwijyahchy'aa khit gwandaii deeh'e'yaa nyaq aaj gwik'it t'ihee'yaa aaj gwaroonta', aajit'ee dinjii datthak nahshii. Aaj juu yit'injyaahchy'aa naaj ch'andaa gwik'iinjiighit.

11 Jii kwaii jyaa dohnyaq ts'a' veech'ooqahtan. 12 K'eejit inlii geenjit nich'itsaroo'e' shrq', gaa nats'aaq ginkhii, deeni'in, nich'et'igwiniindhan, nigwik'iinjigwiighit akwat nigwitrit gwiizuu gwakwaa kwaii haa datthak gwik'iinjiighit naaj nik'it giheedaa eenjit geegoovaqhtan. 13 K'ineehihdik gwats'a' tr'igiinkhii zheh gwizhit k'iinaa Degtly'aa Choh kat ginkhii aaj nihk'it ginkhii inlii ts'a' geech'ooqahtan. 14 Ch'anjaa gwik'injiighit kih dilk'ii naaj tr'igiinkhii zheh gwizhit nakat nagaanjik da' Vit'eegwijyahchy'aa Eenjit Ginkhii Naaj aaj Vit'eegwijyahchy'aa vik'iighai' nint'ee'gwina' aaj lyaan vat'aaqahchy'aa.

15 Gwint'oo jii kwaii datthak khit ts'a' t'ini'in ts'a' juu naaj datthak gwinzii naageheendaii eenjit. 16 Adak'aqntii ts'a' jidii eenjit

geech'qaahtan aji gwinzii gwak'aahtii. Khit ts'a' jii kwaii datthak t'ini'in, jyaa deeni'in ji' neehjinzhii ts'a' juu nook'ji naji datthak chan neehzechii t'oonchy'aa.

Nats'aa Gwik'injiighit Naji Ts'a' Dinjii Khohya

5 ¹Dinjii vik'ee'it inlii naji ts'a' nik'ji gwanlii haa goots'a' gwinehts'i' gwankhe' shro', gaa niti' k'it t'agoovahainjyaa ts'a' gwinzii goots'a' ginkhii. Tsyaa nik'ee'it nilii naji nachaa k'it t'agoovahainjyaa, ²Tr'injaa nandaa vaghai leji naji nakhan k'it t'agoovahainjyaa ts'a' tr'injaa nik'ee'it nilii naji nijuu k'it t'agoovahainjyaa ts'a' shroodiinyaa zhit goots'a' dinjii inlii.

³Tr'injaa vakai' niindhat ts'a' valak naji kwaa naji gavahqoh'ee. ⁴Gaa aji tr'injaa vakai' niindhat aji tr'iinin akwat vitseii naji gwanlii ji', geedan chan digizheh k'aa gwinzii gwik'eegahtii ts'a' gwik'iinjiighit gi'ji tr'ookit gaagehendaii goo'aii, jyahts'a' t'ee digiyehghan, digitsu, digitsii haa inegogookwat, aji geh'an t'ee Vit'eegwijyahchy'aa shoo gahtsii. ⁵Tr'injaa vakai' niindhat ts'a' geeghaih valak kwaa ts'a' tr'ijii yak'aahtii t'ee Vit'eegwijyahchy'aa eenji ji' niindhan ts'a' khit khadigiinjii toq, drin haa yits'iheenjyaa eenji yuahkat. ⁶Gaa juu tr'injaa vakai' niindhat aji shroonchy'aa gwizhrh gwinkeeh'eik t'ee ch'adai' hee ichji, tth'aii gwandaii gaa nihk'it. ⁷Jii kwaii datthak eenji akqo diinyaa, gook'aa gwadahaandhal kwaa gwits'i'. ⁸Gaa juu dalak naji k'aahtii kwaa ts'a' iyaa dizheh k'aa gwizhit khai' dalak naji k'aahtii kwaa ji' t'ee gwik'iinjiighit di'ji kwaa ts'a' juu gwik'iinjiighit kwaa naji andaa iizqu.

⁹Juu tr'injaa vakai' niindhat naji oozhri' k'it tee ch'adanakhwat'oo naji gwakat ch'izhii tr'injaa vakai' niindhat 60 years old gwik'ee'ik nilii naji oozhri' doqht'oo shro', aji ts'a' ch'ihlok gwizhrh yeenii veerindi' heelyaa goo'aii, ¹⁰ts'a' yeenii vigwitr'it chan gwinzii: tr'injaa gwinzii digii dinky'ahjik, aakin naji dizheh nihdaachji, Vit'eegwijyahchy'aa vidinjii naji kwai' chan k'eech'ahtryaa, dinjii gwiizqu needaachik naji chan ts'iinya' ts'a' vigwitr'it gwinzii gwinleji gwiinli'.

¹¹Gaa aji tr'injaa vaghai leji oozhri' k'it tee ch'adanakhwat'oo aji kat tr'injaa vakai' niindhat vaghai nitsya' naji oozhri' doiint'oo shro', dinjii giindhan ts'a' sharonjii chan giindhan geh'an Christ ts'i' an-neegaa'ee, ¹²aji ts'a' t'ee digidrihts'aji

gwats'an jyaa diiyaiinya' ts'a' izhit leegwiifn'ai ts'a' aji geenjii gwizhr̄ih nagwaatth'at. ¹³Googwitr'it gwakwaa ts'a' zhyaa geenjii gwakwaa zheh gwiteegogwaañchy'aa neegihiidal, izhit gwizhr̄ih nakwaa gaa chan ch'eegiginkhii ts'a' goodraii t'igwii'in kwaa datthak gwitee nadagaq̄achik, ts'a' geegigiheekhyaa kwaa goo'aa datthak geegiginkhii. ¹⁴Izhit gwits'ì' tr'injaa vakai' niindhat vaghii nitsya' nañi neegogoonjii ji' gaa gweheezya, tr'iinin chan gihee'yaa ts'a' digizheh chan gwinzii gwik'eegahaq̄htyaa, aji ji' zhit juu gootr'igii'ee nañi goots'it ts'a' gooveegigiheekhyaa kwaa eenjit. ¹⁵Ch'adañi' hee tr'injaa vakai' niindhat lat nañi teegahaajil ts'a' Satan k'igiinjil. ¹⁶Gaa juu tr'injaa gwik'injiighit nilii ts'a' vizheh k'aq̄ gwizhit tr'injaa vakai' niindhat nañi gwanlii ji', gook'eehaq̄htyaa goo'aa ts'a' tr'igiinkhii zheh gwich'in nañi ts'a' t'agwahahkyaa kwaa, aji tr'igiinkhii zheh aji zhit juu tr'injaa valak nañi kwaa ts'a' vakai' niindhat nañi zhr̄ih k'eegahaq̄htyaa eenjit.

¹⁷Zhit juu ch'anjaa kih dilk'ii ts'a' googwitr'it gwinzii nañi lyaa gwintsii goohoh'aa goo'aa, zhit juu gwint'oo geech'oaq̄htan ts'a' giinkhii ginlii nañi ch'andaa khadhoo'ee. ¹⁸Deñtly'aa Choh jyahts'a' t'ee geenjii jyaa digwinyaq̄: "Ox aji t'oo gwanzh̄ih ts'an gwanzh̄ih tsal dakwai' haa yiteetr'ili gwiizhit vighit nihts'a' dagohchaa shr̄o'," aji ts'a' "Dinjii gwitr'it t'agwah'in eenjit vagwarooheekwat goo'aa." ¹⁹Ch'anjaa zhyaa k'ii'an oots'it haa veerigiinkhii aji gwadq̄hk'ì' shr̄o', dinjii neekwaii akwat tik nañi lyaa t'iizhik giyahnyaq̄ ji' gwizhr̄ih. ²⁰Juu vigwitr'it gwiizuu nañi datthak gatr'q̄oh'ee ts'a' dinjii nañi andah gwizhr̄ih nagooh'aji, ch'izhii nañi chan gwik'it t'igihee'yaa kwaa eenjit.

²¹Vit'eegwijyahchy'aa, Christ Jesus akwat zheekat gwich'in shroodiinyaq̄ nañi andah, deeni'in gwizhit datthak dinjii vitr'iin'ee akwat dinjii eet'iindhan eenjit nihtee tr'aneehanzhik kwaa ts'a' jii deehiinjyaa naiinya' datthak geenjii gwitee tr'anaq̄lchii. ²²Dinjii k'aq̄ gihinkhyaa ts'a' gookat nahaandal eenjit khadhoochi' shr̄o'! Vigwitr'it gwiizuu nañi tee t'anoo'ya' shr̄o'! Shroodiinyaq̄ hinlyaa gwizhr̄ih!

²³Chuu vitee gwihiljii zhr̄ih nooni' shr̄o' khit dhahts'ik jak chu' tsal gwinzii vaa nits'ii t'igwehee'yaa eenjit ninji.

²⁴Dinjii lat nañi gwizhr̄ih hee gootr'agwaanduu gwaraah'in, ts'a' gootr'agwaanduu gwinleji ts'a' goovehkii gaa goots'ii ch'aroahkat

zheh nihdiyaa. Gaa goolat naïï chan niighyuk t'ëë dohju' hee gootr'agwaanduu gwizhrîh nagwaatth'at. ²⁵ Izhit gwik'it juu vigwitr'it gwinzii naïï gwizhrîh t'igii'in gwaraah'in, aïïts'a' jidii gwinzii gwizhrîh goo'aii kwaa kwaii chan duuyeh goh'it goo'aii.

Slaves Naïï Deegoorahnyaa Gwik'eegogwahthat

6 ¹ Slaves nilii naïï, juu goots'a' k'eedeegwaadhat naïï eenjit giiyahah'aa goo'aii, jyãhts'a' ji' geech'arqãhtan gwizhit akwat Vit'eegwijyãhchy'aa voozhri' zhit gwiizüü geegireheehkhyaa kwaa eenjit. ² Zhit juu goots'a' k'eedeegwaadhat gwik'iinjiighit ji' duuyeh gwintsal gwizhrîh giyeenjit hi'ëe goo'aii, gavoondee akwat goochaa nilii geh'an. Łyaa gwinzii gooveegwitr'it t'agogwahah'yaa goo'aii. Juu ch'andaa gwinzii tr'agwah'in naïï t'ee gwik'iinjigiighit ts'a' zhit juu goots'a' k'eedeegwaadhat ch'andaa gooveet'iindhan t'oonchy'aa.

Oots'it Haa Geech'qãhtan Naïï, Laraa Zhrih Ininjich'agahthat

Łyaa jii kwaii datthak geenjit geech'ooqhãhchyaa goo'aii. ³ Juu oots'it haa geech'qãhtan ts'a' Diik'eegwaadhat Jesus Christ viginjik h'ï'didlii aïï gwik'iinjiighit kwaa ts'a' jidii diitr'igiinkhii zheh gwizhit geerqãhtan gwik'iinjiighit kwaa t'ee ⁴ gwihil'ee idininjich'aadhat ts'a' tr'igwinjik. Vit'eegwijyãhchy'aa viginjik zhyaa k'ii'an ehk'aa hee eeginkhii ts'a' dinjii naïï zheedaan'ee ts'a' veh'an dinjii naïï nihtr'igii'ee, nihhik'iinjigiighit kwaa, tr'eedeenihłagaajyaa, ts'a' gwiizüü gwizhit nihts'a' nagogoolii, ts'a' ⁵ juu gwinzii vaagoo'aii kwaa ts'a' gwik'iinjiighit kwaa dhidlit naïï chan dinjii gweedhaa datthak izheedagaan'ee. Gwik'iinjirighit ji' diilaraa gweheelyaa giindhan.

⁶ Akwat t'ee, dinjii gwik'iinjiighit t'ee valaraa gwanlii k'it nihk'it t'igwiichy'aa, jidii di'ïï haa veenjit gwinzii ji'. ⁷ Diigwanlii ðaj' jidii adahaa k'eera'ak? Ch'akwaa! Niriidhat ji' jidii adahaarehee'aa? Ch'akwaa! ⁸ Shih akwat gwach'aa haa tr'ii'ïï ji', aïï zhrih gaa nizii t'inchy'aa. ⁹ Juu shalaraa gooli' niindhan naïï laraa gihee'yaa eenjit ninjigwaroozhii zhrih giindhan ts'a' gwiizüü gwizhrîh googwitr'it gwanlii, gwiizüü gwizhrîh niinjich'agadhat ts'a' jyãhts'a' t'ee an gilik. ¹⁰ Dinjii laraa zhrih eet'iindhan ðaj' jidii gwiizüü datthak yeh'an t'ii'in. Dinjii lat naïï łyaa gwint'oo laraa gihi'ëe ts'aïï gwik'iinjigiighit akhagagoonjik ts'a' aïït'ëë gwinleïï geenjit tr'igwidii adats'an googwaatsik.

Paul Ajj Timothy Jyaa Ni'in Ahnyaa

11 Gaa nan aji, Vit'eegwijyahchy'aa vidinji' inlii akwat, jii deiinya' datthak gwits'i' adak'aantii. Gweheezyaa gwizhrih geetr'agwah'in ts'a' dinjii nizii inlii, gwik'iinjinghit, ch'eet'igwiniindhan ni'ji, ts'a' khit jyaa diinchy'aa ts'a' khai'gwidlii dinjii inlii.

12 Gwik'iinjigwiighit ni'yaa eenjit gwint'aii tr'agwah'in, aji ji' t'ee gwandaii ndaanaa'aji' kwaa gaayiihantsyaa. Jii gwandaii ndaanaa'aji' kwaa eenjit t'ee Vit'eegwijyahchy'aa noozhrii, nijin leji naji andaa gwik'iinjigwiighit gwinzii eeginkhe' daji'.

13 Vit'eegwijyahchy'aa vandee ts'a', t'ee jidii datthak gwandaii iitsaji aji's'a' Christ Jesus, chan Pontius Pilate ts'a' gwinzii ginkhe', jii kwaii jyaa dini'in. 14 Juk gwats'an, nijin drin Diik'eegwaadhat Jesus Christ vineegwahaakyaa gwats'a' aji deenaiinya' datthak gwik'it t'ini'in ts'a' shroodiinya' inlii zhit k'ii'an tr'agoh'ya' shro'!

15 Vit'eegwijyahchy'aa adan zhrih ndak khii nilii ts'a' Shroodiinya' chan nilii, King naji datthak eenjit King nilii, k'eedeegwaadhat naji eenjit datthak ndak khii Diik'eegwaadhat nilii ts'a' nijin Vit'eegwijyahchy'aa niindhan ji' gwizhrih vineegwahaakyaa.

16 Adan zhrih gwandaii ndaanaa'aji' kwaa di'ji, aadrii aji ch'ihlak gaa duuyeh yizyahkhaii aji zhit gwich'ji. Vit'eegwijyahchy'aa ch'ihlak gaa yaah'ya' kwaa, ts'a' ch'ihlak gaa duuyeh yaah'in. Adan zhrih viiyeenjit khadhoo'ee ts'a' t'aih khwa'ji! Amen!

17 Zhit juu jii gwarandaii gwizhit gwiintsii neegoo'aii naji adagashoo gooli' shro', ts'a' k'aiich'ii zhit gwizhit ninjich'oodhat shro', Vit'eegwijyahchy'aa zhit gwizhrih. Jidii gwiindhan datthak vizhit shoo tr'iheel'yaa eenjit diits'an yahtsii gavaiinya'. 18 Dinjii nizii qhji goovaiinya', gwitr'it nizii t'ini'in, ts'a' nihts'a' ch'ohtsai' shro' aji's'a' niinjilkhaii nihts'a' ohsji goovaiinya'. 19 Jyachts'a' t'ee gwihil'ee gaayigahaahsyaa aji khaihan niheedaa ts'a' khit gooveenjit gwehee'aa. Aji't'ee t'ee gwandaii aji lyaa gwandaii hi'didlii nilii aji gaayigohaahsyaa, aji't'ee gwandaii ndaanaa'aji' kwaa t'inchy'aa.

20 Timothy, jidii nint'eegwarin'aji lyaa gwinzii vak'aantii. Juu gaandaii eenjit adashoo ahji naji ts'i' adak'aantii ts'a' Vit'eegwijyahchy'aa vinehts'i' goiinkhyaa shro'! 21 Dinjii lat naji jyaa diginya' geh'an gwik'iinjigwiighit gi'ji kwaa gilik.

Vit'eegwijyahchy'aa vich'eegoonzhrii naa ooli'!